

Na osnovu člana 70. stav (4) i (6), a u vezi sa članom 72. Stav (3) tačka b) i člana 69. stav (2) tačka d) Zakona o javnim nabavkama („Službeni glasnik BiH“, broj: 39/14, 59/22 i 50/24), u konkurentskom postupku nabavke roba s namjerom provođenja e-aukcije – Nabavka računara i računarske opreme za potrebe Gradskog organa uprave Grada Bosanska Krupa, Gradonačelnik grada Bosanska Krupa, kao rukovodilac organa uprave donosi:

### **ODLUKU**

o poništenju postupka nabavke

- 1. Odbacuje se** ponuda ponuđača „MOON“ d.o.o. Zenica kao neprihvatljiva u postupku nabavke roba- **Nabavka računara i računarske opreme za potrebe Gradskog organa uprave Grada Bosanska Krupa**, jer je ponuđač „MOON“ d.o.o. Zenica propustio dostaviti originale ili ovjerene kopije dokaza o ispunjavanju uslova u skladu sa datom izjavom iz člana 45. stav (2) tačka c) i d) Zakona o javnim nabavkama.
- 2. Poništava se** konkurentski postupk nabavke roba s namjerom provođenja e-aukcije – **Nabavka računara i računarske opreme za potrebe Gradskog organa uprave Grada Bosanska Krupa**, koji je objavljen dana 23.07.2025. godine na Portalu javnih nabavki (Obavještenje o nabavci broj: 1272-7-1-85-3-63/25 od 23.7.2025. godine objavljeno na portalu JN (TD preuzelo: 31 ponuđača) i u „Službenom glasniku BiH“, broj: 44/25 od 25.7.2025. godine ), u skladu sa članom 1. ove Odluke, **jer je ponuda ponuđača „MOON“ d.o.o. Zenica jedina zaprimljena ponuda u ovom postupku.**

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 07-11-5-3406/25 od 23.07.2025. godine. Javna nabavka je provedena putem konkurentskog postupka nabavke roba s namjerom provođenja e-aukcije – Nabavka računara i računarske opreme za potrebe Gradskog organa uprave Grada Bosanska Krupa.

Obavještenje o nabavci broj: 1272-7-1-85-3-63/25 od 23.7.2025. godine objavljeno na portalu JN (TD preuzelo: 31 ponuđača) i u „Službenom glasniku BiH“, broj: 44/25 od 25.7.2025. godine. Po objavljenom obavještenju rok za prijem ponuda je bio 4.8.2025. godine do 11:00 sati.

Do označenog roka za prijem ponuda na protokol Ugovornog organa pristigle je 1 (jedna) ponuda i to:

- 1. „MOON“ d.o.o. Zenica**, broj protokola: 07-11-5-3406-2/25, zaprimljena dana 4.8.2025. godina u 9:34 sati

Komisija za provođenje postupka javne nabavke je u skladu sa tenderskom dokumentacijom dana 4.8.2025. godine do 11:30 sati izvršila javno otvaranje ponuda i na zapisnik konstatovala:

- 1. „MOON“ d.o.o. Zenica**, dostavljena original ponuda uredno zapakovana i bez vidnih oštećenja, ponudio je:  
cijena ponude: **22.169,00 KM bez PDV**,  
PDV **3.768,73 KM**  
ukupna cijena ponude: **25.937,73 KM sa PDV- om**,  
Popusta nema.

Komisija konstatuje da je procijenjena vrijednost radova, sljedeća: **cijena bez PDV: 22.169,00 KM , cijena sa PDV-om: 25.937,73 KM**

Komisija konstatuje da je „MOON“ d.o.o. Zenica potpun, ispravna u formalno-pravnom smislu (ponuđač je dostavio ponudu u skladu sa tenderskom dokumentacijom, ispunio uslove za učešće, dostavio potrebne dokaze i ponudu izradio u skladu sa TD), kao i da računskih grešaka nije bilo, te da je cijena ponude u okviru procijenjene vrijednosti.

Također se konstatuje da je u ovom postupku predviđeno provođenje e-aukcije, ali se ista neće provoditi, jer je zaprimljena samo jedna prihvatljiva ponuda, a shodno članu 4. stav (2) Pravilnika o načinu korištenja e-aukcije.

Shodno navedenom, a kako je kriterij za dodjelu ugovora najniža cijena, Komisija za provođenje postupka javne nabavke predlaže Ugovornom organu da donese Odluku o izboru najpovoljnijeg ponuđača i to „MOON“ d.o.o. Zenica i zaključi Ugovor s istim.

Ugovorni organ je prihvatio prijedlog Komisije i donesena je Odluka o izboru najpovoljnijeg ponuđača „MOON“ d.o.o. Zenica broj 07-11-5-3406/25 od 06.08.2025. godine, s obzirom da je kriterij za dodjelu Ugovora „najniža cijena tehnički zadovoljavajuće ponude“ i da je ponuda ponuđača „MOON“ d.o.o. Zenica jedina zaprimljena i prihvatljiva ponuda u okviru procijenjene vrijednosti predmetne nabavke, Ugovorni organ je prihvatio prijedlog Komisije.

Tačkom 2. Odluke o izboru najpovoljnijeg ponuđača Izabrani ponuđač se obavezuje da u roku ne dužem od 5 (pet) dana od dana zaprimanja navedene Odluke dostavi originale ili ovjerene kopije dokaza o ispunjavanju uslova u skladu sa datom izjavom iz člana 45. stav (2) tačke c) i d) Zakon o javnim nabavkama.

Odluka o izboru najpovoljnijeg ponuđača broj 07-11-5-3406/25 od 06.08.2025. godine zajedno sa obavještenjem i zapisnikom Komisije o evaluaciji ponuda dostavljena je putem e-maila (elektronsko sredstvo označeno kao način dostavljanja obavještenja o dodjeli) odabranom ponuđaču „MOON“ d.o.o. Zenica, dana 06.08.2025. godine, koji je u skladu sa tačkom 2. Odluke, tačkom 2. tenderske dokumentacije, a shodno članu 72. stav (3) pod a), bio obavezan u roku od 5 (pet) od dana zaprimanja obavještenja o rezultatima postupka dostaviti dokumente u skladu sa datom izjavom iz člana 45. stav (2).

Na osnovu gore navedenog izabrani ponuđač „MOON“ d.o.o. Zenica je bio u obavezi dokaze/dokumente o ispunjavanju uslova u skladu sa datom izjavom iz člana 45. stav (2) Zakona o javnim nabavkama, dostaviti na protokol Ugovornog organa do 11.08.2025. godine.

Do označenog roka na protokol Ugovornog organa izabrani ponuđač „MOON“ d.o.o. Zenica, nije dostavio traženu dokumentaciju iz člana 45. stav (2) Zakona o javnim nabavkama, a kako je ponuda ponuđača „MOON“ d.o.o. Zenica jedina zaprimljena ponuda, Ugovorni organ postupa u skladu sa članom 69. stav (2) tačka d) Zakona o javnim nabavkama.

### **Pouka o pravnom lijeku**

Protiv ove odluke može se izjaviti žalba najkasnije u roku od 5 (pet) dana od dana prijema ove odluke. Žalba se izjavljuje URŽ-u putem ugovornog organa u pisanoj formi direktno, elektronskim putem, ako je elektronsko sredstvo definirano kao način komunikacije u tenderskoj dokumentaciji, ili preporučenom poštanskom pošiljkom u dovoljnom broju primjeraka, a koji ne može biti manje od tri.

Obradivač:  
Dinka Mahmić

Dostavljeno:

1. „MOON“ d.o.o. Zenica putem e-maila
2. U spis
3. a/a

